


# Mudahnya COPYWRITING


*Tulis sambil minum kopi*



## Apa Itu Copywriting?

*Copywriting* adalah perkara penting dalam pemasaran terutamanya dalam pemasaran *online*. Memandangkan penjual tidak mendekati pembeli secara berhadapan untuk mempromosikan produk atau servisnya apabila berurusan atas talian, maka *copywriting* digunakan sebagai elemen untuk ‘mendekati’ pembeli.

*Copywriting* adalah satu bentuk penulisan mempromosikan sesuatu bertujuan untuk menarik perhatian dan memujuk seseorang untuk mengambil sesuatu tindakan, contohnya membuat pembelian. Ia boleh digunapakai dalam *sales letter* (surat jualan) dalam *email marketing*, diletakkan dalam *landing page* (*sales page*), ditulis dalam *post Facebook* (*Facebook ads*) dan lain-lain.




## Pentingkah Copywriting?

*Copywriting* penting sebagai *awareness*, iaitu untuk memberitahu orang ramai kewujudan anda dan anda sedang menjual sesuatu. Orang tidak melayari *internet* untuk berkenalan dengan anda apalagi untuk bertanya produk apa yang anda jual. Mereka ada sebab masing-masing untuk melayari *internet* seperti mendapatkan berita, membuat kerja atau sekadar mengisi masa lapang.

Oleh itu, tugas anda adalah untuk 'mencuit' mereka, iaitu tarik perhatian mereka untuk datang kepada anda dengan membuat *copywriting*. Jika mereka berhenti dari kerja mereka semata-mata untuk membaca *copywriting* anda, itu menunjukkan langkah awal anda dalam *copywriting* telah berjaya dan berkesan.

*Copywriting* juga penting untuk meningkatkan jualan anda. Jika anda mampu menulis *copywriting* yang memukau dan tepat ke sasaran prospek, prospek akan mudah tertarik untuk membeli berbanding *copywriting* yang hambar, apatah lagi tiada *copywriting* langsung.



Untuk membuat *copywriting* yang mantap, anda perlu mengetahui 2 perkara asas sebelum berbincang lebih jauh mengenai pelbagai teknik dan formula *copywriting*. Tidak ada guna jika anda tahu banyak formula *copywriting* tetapi tidak menguasai 2 perkara asas ini, iaitu kenal produk (atau servis) dan kenal pelanggan.

Pernahkah anda pergi ke pasaraya dan dihampiri oleh jurujual untuk mempromosikan sesuatu produk? Kenapa jurujual menghampiri anda? Itu bermakna jurujual itu telah '*scan*' diri anda yang mana menurut pemerhatian dia, anda adalah pelanggan yang tepat untuk produknya. Bagaimana cara jurujual itu bercakap? Adakah dia bercakap dengan fasih, menarik dan pandai menyusun kata-kata? Itu bermakna dia telah menguasai dan kenal produknya sehingga dapat mempromosikan kepada anda dengan hebat. Itulah pentingnya untuk kenal produk dan kenal pelanggan. Anda akan dapat membina skrip jualan (*copywriting*) dengan lebih mudah.

Hal ini logik sahaja, jika anda tidak kenal produk anda, bagaimana untuk meyakinkan prospek supaya membeli? Jika anda sendiri pun kurang maklumat mengenai produk, yang mana secara tidak langsung menunjukkan anda juga tidak yakin dengan produk, prospek anda lagi lah 10 kali tidak yakin dan tidak akan membeli. Itu pun jika anda telah kenal pelanggan dan mensasarkan kepada pelanggan yang tepat. Jika pelanggan pun anda tidak kenal, memang sangat susah untuk anda menjual.



## Kenali Produk

Apa perkara yang anda patut tahu mengenai produk anda? Ini antaranya :

- 1) Nama produk.
- 2) Jenis produk (Produk kesihatan, kecantikan, keselamatan, dan lain-lain).
- 3) Sifat produk (berat, saiz, bentuk, material dan lain-lain)
- 4) Ciri-ciri produk.
- 5) Fungsi produk.
- 6) Manfaat produk.
- 7) Bagaimana produk berfungsi atau menyelesaikan masalah.
- 8) Cara menggunakan produk.
- 9) USP (*Unique selling point*) produk (perkara yang membezakan dengan produk lain).
- 10) Penafian (*disclaimer*) tentang produk.
- 11) Siapa boleh guna produk.
- 12) Harga produk.

Dengan menguasai pelbagai maklumat mengenai produk, ia juga dapat membantu dalam close sales (proses jualan). Prospek akan bertanyakan pelbagai soalan. Jika anda dapat menjawab dengan baik, ia akan menaikkan kredibiliti anda dan kepercayaan prospek terhadap anda. Hal ini memudahkan untuk buat jualan.

## Kenali Pelanggan

Untuk mengenali pelanggan, anda boleh bina karekter dan personaliti pelanggan yang sesuai dengan produk, yang biasa disebut sebagai *customer avatar*. Apa perkara yang anda boleh ambil kira dalam membina *customer avatar*? Antaranya ialah :

- 1) Umur
- 2) Jantina
- 3) Berat
- 4) Tinggi
- 5) Pekerjaan
- 6) Tempat tinggal
- 7) Pendapatan
- 8) Tahap pendidikan
- 9) Hobi
- 10) Cita-cita
- 11) Masalah
- 12) Bahasa pertuturan
- 13) Impian



Dengan membuat *customer avatar*, ia membantu anda menulis copywriting yang tepat ke sasaran. Contohnya anda ingin sasarkan kepada para guru, jadi anda menulis *copywriting* yang khas kepada guru. *Copywriting* yang ditujukan khusus kepada satu-satu kelompok lebih berkesan dan dapat menambat hati kelompok tersebut berbanding menulis *copywriting* yang umum.

Apabila anda telah kenal produk dan pelanggan, tiba masa untuk anda sampaikan mesej kepada sasaran pilihan anda. Apa mesej yang ingin disampaikan? Mesej utama dalam sebuah *copywriting* ialah bagaimana produk anda dapat membantu menyelesaikan masalah pelanggan. Oleh itu, anda mesti kenal pasti masalah pelanggan anda.

Sebagai contoh, pelanggan anda ialah seorang pemuda berumur 20an yang minat bersukan tapi mempunyai bentuk badan yang gempal yang menyukarkan untuk melakukan aktiviti sukan. Oleh itu, mesej anda ialah memberitahu dia bahawa produk anda dapat membantu menguruskan badannya serta dia dapat menjalani aktiviti sukan dengan lebih selesa. Pokoknya, sampaikan mesej yang tepat kepada orang yang tepat.

Ingat, sampaikan satu mesej kepada satu golongan pelanggan sahaja dalam sesebuah *copywriting*. 'Serang' satu kelompok pelanggan sahaja dalam satu iklan. Produk anda mungkin mempunyai pelbagai manfaat dan boleh digunakan oleh ramai orang. Untuk hal ini, anda boleh buat *split testing copywriting* anda kepada beberapa iklan.

Contohnya iklan A adalah untuk pelanggan A yang mempunyai masalah A, manakala iklan B adalah untuk pelanggan B yang ada masalah B, dan iklan C pula ditujukan kepada pelanggan C yang mengalami masalah C. Setelah anda melancarkan kesemua iklan secara serentak beberapa hari, anda akan dapat mengenal pasti pelanggan mana antara A, B dan C yang lebih tertarik kepada produk anda. Jadi anda fokuskan kepada iklan (*copywriting*) yang mendapat tarikan ramai pelanggan.

Kelebihan membuat *split testing* adalah anda tidak akan syok sendiri untuk mensasarkan kepada kelompok tertentu sahaja sedangkan anda dapat pulangan yang lebih baik melalui iklan yang dituju kepada kelompok yang lain. Jika anda menggunakan *Facebook ads* (pengiklanan Facebook), kos iklan anda akan lebih murah jika iklan anda mendapat banyak sambutan.





Mesej yang nak disampaikan sudah ada, dan sasaran pun dah ada. Sekarang anda boleh mula menulis *copywriting* anda! Inilah yang biasanya ramai orang tersekat atau *blur* tidak tahu nak tulis apa. Salah satu sebabnya sudah tentulah kerana tidak kenal produk dan pelanggan. Bila tidak kenal produk dan pelanggan, mesej yang nak disampaikan tidak ada, jadi memang patutlah jika anda tidak dapat menulis.

### Apa Itu Formula Copywriting?

Formula *copywriting* adalah format atau rangka yang membantu anda untuk membuat *copywriting*. Ia seperti anda buat karangan semasa sekolah yang ada format dan rangka karangan. Terdapat banyak formula *copywriting* yang anda boleh gunakan. Sebagai peringatan, formula ini hanyalah sebagai panduan untuk anda menulis, ia tidak memberi jaminan yang *copywriting* anda akan 100% berkesan. Banyak lagi aspek lain yang diambil kira seperti gaya bahasa, teknik penulisan dan lain-lain yang mempengaruhi sesebuah *copywriting*.

Antara formula *copywriting* yang anda boleh aplikasikan dalam *copywriting* ialah :

- 1) AIDA atau AIDCA
- 2) PASTOR
- 3) PAS
- 4) PPPP (4Ps)
- 5) ACCA

## AIDA atau AIDCA

**A** : Attention - Tarik perhatian prospek dengan headline (tajuk) yang menarik.

**I** : Interest - Berikan manfaat produk dan pelbagai maklumat yang baru.

**D** : Desire - Tambat hati prospek dengan pelbagai teknik penulisan supaya mereka tertarik dengan produk.

**A** : Action - Beri arahan yang jelas apa yang perlu dilakukan selanjutnya.

AIDCA lebih kurang sama dengan AIDA, cuma ada tambahan C sahaja iaitu :

**C** : Conviction - Hilangkan keraguan prospek dengan testimoni dan jaminan.

## PASTOR

**P** : Problem - Kemukakan masalah supaya prospek perasan yang itu adalah masalah yang dihadapinya.

**A** : Amplify - Perbesarkan lagi masalah, berikan kesan-kesan.

**S** : Solution - Kemukakan solusi dengan memperkenalkan produk atau servis.

**T** : Testimonials - Berikan bukti keberkesanan produk untuk menghilangkan keraguan.

**O** : Offer - Berikan tawaran yang menarik

**R** : Response - Beri arahan yang jelas apa yang perlu dilakukan selanjutnya.

## PAS

**P** : Problem - Kemukakan masalah supaya prospek perasan yang itu adalah masalah yang dihadapinya.

**A** : Agitation - Perbesarkan lagi masalah, berikan kesan-kesan.

**S** : Solution - Kemukakan solusi dengan memperkenalkan produk atau servis.

## PPPP (4Ps)

**P** : Picture - Berikan gambaran permasalahan yang dialami oleh prospek

**P** : Promise - Ceritakan bagaimana produk dapat membantu menyelesaikan masalah prospek.

**P** : Prove - Berikan bukti keberkesanan produk berupa testimoni dan lain-lain.

**P** : Push - Beri arahan yang jelas apa yang perlu dilakukan selanjutnya.

## ACCA

**A** : Awareness - Beri kesedaran mengenai masalah yang dihadapi oleh prospek

**C** : Comprehension - Terangkan dengan lebih lanjut mengenai masalah.

**C** : Conviction - Hilangkan keraguan prospek supaya bertindak melakukan sesuatu untuk selesaikan masalah.

**A** : Action - Beri arahan yang jelas apa yang perlu dilakukan selanjutnya.

Jika anda perasan, kebanyakan formula ini secara asasnya lebih kurang sama sahaja bentuknya. Cuma sebahagian ada tambahan beberapa elemen, manakala sebahagian yang lain pula tiada elemen tersebut. Pokoknya ia hanyalah panduan untuk anda menulis jika anda tidak tahu nak bermula di mana. Jadi tidak perlu bimbang nak pilih formula yang mana. Masing-masing ada kelebihan dan kekurangan.



Secara asasnya, untuk permulaan, anda tarik perhatian prospek dengan tajuk yang menarik yang mana tajuk itu sendiri berkisar mengenai masalah yang dihadapi oleh prospek. Kemudian huraikan lagi masalah itu. Selepas itu perkenalkan produk anda dan ceritakan manfaat yang akan diperoleh oleh prospek. Untuk tambahan, anda ceritakan bagaimana produk itu dapat membantu menyelesaikan masalah prospek bagi meyakinkan mereka. Letakkan bukti-bukti berupa testimoni untuk hapuskan keraguan prospek. Akhir sekali berikan arahan yang jelas kepada prospek untuk ambil tindakan selanjutnya, iaitu cara nak dapatkan produk sama ada tekan mana-mana link atau hubungi anda dan lain-lain.

Taktik GUPOW adalah unsur-unsur tambahan yang dapat menyerlahkan lagi *copywriting* yang menyebabkan pelanggan untuk bertindak membeli. Apakah itu GUPOW?

**G** : Guarantee (jaminan)

**U** : Urgency atau Scarcity (segera)

**P** : Proof (bukti)

**O** : Offer (tawaran)

**W** : Warning (amaran)

Sebenarnya taktik ini telah dimasukkan sekali dalam beberapa formula *copywriting* seperti formula PASTOR. Namun anda boleh sahaja buat tambahan dengan meletakkan beberapa taktik ini dalam rangka *copywriting* anda.

### Guarantee

Anda boleh memberi pelbagai jaminan kepada pelanggan seperti “*Money back guarantee*” (Jaminan Pulangan Wang), jaminan barang sampai tepat pada masanya, dan lain-lain. Dengan adanya jaminan, ia dapat menguatkan lagi kepercayaan pelanggan kepada anda.

## Urgency

*Urgency* atau *scarcity* adalah unsur yang menyebabkan pelanggan tergesa-gesa untuk membeli. Anda perlu letakkan had masa atau had stok untuk produk anda. Bila ada had ini, pelanggan akan terkejar-kejar untuk membeli. Contohnya seperti “Tarikh akhir tempahan adalah tengah malam esok”, “Stok hanya ada 20 sahaja, cepat dapatkan segera” dan banyak lagi.

## Proof

*Proof* adalah bukti kepada keberkesanan produk anda. Anda boleh masukkan testimoni dalam *copywriting*. Kebanyakan pelanggan membeli kerana mereka melihat testimoni.

## Offer

*Offer* pula adalah antara unsur yang paling berkesan yang dapat membuatkan prospek membeli. Anda perlu memberikan tawaran yang sangat menarik kepada prospek contohnya seperti *free gift* dan *free postage*. Pastikan anda letakkan nilai tawaran supaya prospek akan rasa berbaloi untuk dapatkan produk anda.

## Warning

*Warning* pula adalah amaran kepada prospek apa kesan yang mereka akan hadapi jika tidak membeli. Anda boleh ceritakan kembali masalah yang akan mereka alami. Kemudian, perbesarkan lagi masalah itu untuk menyuntik perasaan takut dalam diri mereka.



Anda boleh pilih mana-mana taktik GUPOW dalam copywriting atau boleh sahaja guna kelima-limanya. Sudah tentu anda boleh gabungkan taktik-taktik ini contohnya seperti “Tawaran free gift bernilai RM30 ini hanya terhad kepada 10 orang yang membuat tempahan terawal sahaja.” Ini adalah gabungan taktik *offer* dan *urgency*. Prospek akan bertindak secepat mungkin untuk jadi 10 yang terawal untuk dapatkan tawaran *free gift* itu.



Kesimpulan daripada *ebook* ini, untuk membuat *copywriting*, anda perlu memahami tentang *copywriting* dan fungsinya. Kemudian, kenali produk dan pelanggan anda. Pilih satu mesej yang ingin disampaikan kepada satu golongan pelanggan. Jika terdapat banyak mesej, buat *split testing* dan pilih iklan yang paling berkesan. Untuk menulis mesej, anda boleh gunakan formula *copywriting* sebagai panduan seperti AIDA, AIDCA, PASTOR, PAS dan ACCA. Akhir sekali, tambahkan taktik GUPOW dalam *copywriting*.

Panjang atau pendek *copywriting* anda bergantung pada medium apa yang anda gunakan. Jika anda gunakan *landing page (sales page)*, *copywriting* anda mungkin akan panjang. Jika anda gunakan *post* di *Facebook*, *copywriting* anda lebih pendek.

Untuk lebih mengukuhkan lagi kemahiran anda dalam *copywriting*, anda perlu lebih banyak menulis dan membaca. Di samping membaca panduan dari guru serta mentor mengenai *copywriting*, anda juga perlu praktikkan menulis. Tulis 4 atau 5 *copywriting* dalam sehari untuk pelbagai *niche* dan produk. Lama-lama anda akan terbiasa dan menulis *copywriting* itu akan menjadi mudah. Boleh tulis sambil minum kopi je.

Selamat mencuba!